

TILSKIPUN FRAMKVÆMDASTJÓRNARINNAR 1999/77/EB

2001/EES/46/48

frá 26. júlí 1999

um sjöttu aðlögun að tækniframförum á I. viðauka tilskipunar ráðsins 76/769/EBE um samræmingu ákvæða í lögum og stjórnsýslufyrirmælum aðildarríkjanna varðandi takmörkun á sölu og notkun tiltekinna skaðlegra efna og efnablandna (asbest) (*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 76/769/EBE frá 27. júlí 1976 um samræmingu ákvæða í lögum og stjórnsýslufyrirmælum aðildarríkjanna varðandi takmörkun á sölu og notkun tiltekinna skaðlegra efna og efnablandna ⁽¹⁾, eins og henni var síðast var breytt með tilskipun Evrópuþingsins og ráðsins 1999/43/EB ⁽²⁾, einkum 2 gr. a sem var bætt við með tilskipun ráðsins 89/678/EBE ⁽³⁾,

og að teknu tilliti til eftirfarandi:

- 1) Við notkun asbests og vara sem innihalda það losna trefjar sem geta valdið asbestveiki, iðraþekjuæxli og lungnakrabba. Því er rétt að takmarka markaðssetningu og notkun eins og unnt er.
- 2) Í tilskipun ráðsins 83/478/EBE ⁽⁴⁾, um fimmtu breytingu á tilskipun 76/769/EBE, er tilgreint, með þrem undantekningum, að ekki megi lengur markaðssetja eða nota krókídólítasbesttrefjar og vörur sem innihalda þær. Í sömu tilskipun voru sett ákvæði um skyldumerkingu allra vara sem innihalda asbesttrefjar.
- 3) Í tilskipun ráðsins 85/610/EBE ⁽⁵⁾, um sjöundu breytingu á tilskipun 76/769/EBE, er tilgreint að ekki megi lengur markaðssetja asbesttrefjar og nota þær í leikföng, efni og efnablöndur til úðunar, smásöluvörur í duftformi, reykingsvörur, hvarfaofna, málningu og lökk.
- 4) Í tilskipun framkvæmdastjórnarinnar 91/659/EBE ⁽⁶⁾, um aðlögun að tækniframförum á I. viðauka við tilskipun ráðsins 76/769/EBE, er tilgreint að ekki megi lengur markaðssetja og nota amfibólasbesttrefjar og vörur sem innihalda þær. Í sömu tilskipun er tilgreint að ekki megi lengur markaðssetja og nota krýsótílasbesttrefjar og vörur, sem innihalda þær, í fjórtán flokka vara.

- 5) Haft var samráð við vísindanefnd um eiturrhrif, eiturrhrif í umhverfinu og umhverfið um áhrif krýsótílasbesttrefja og staðgönguefna þess á heilbrigði manna.
- 6) Fyrir flesta aðra notkun krýsótíltrefja eru nú til staðgönguefni eða valkostir sem flokkast ekki sem krabbameinsvaldar og teljast síður hættuleg.
- 7) Enn hefur ekki verið skilgreint undir hvaða mörkum váhrif krýsótíltrefja þurfa að vera til að ekki sé hættu á að þær valdi krabbameini.
- 8) Mjög erfitt er að stýra váhrifum á starfsmenn og aðra notendur vara sem innihalda asbest og váhrifin geta endrum og eins farið langt fram úr núverandi viðmiðunargildum en það eru einmitt þess konar váhrif sem nú valda mestri hættu á myndun sjúkdóma sem tengjast asbesti.
- 9) Bann við notkun krýsótílasbesttrefja og vara, sem innihalda þær, er árangursrík aðferð til að vernda heilbrigði manna.
- 10) Vísindaleg þekking á asbesti og staðgönguvörum þess fleygir stöðugt fram. Framkvæmdastjórnin mun því fara þess á leit við vísindanefndina um eiturrhrif, eiturrhrif í umhverfinu og umhverfið að hún athugi betur ný vísindaleg gögn, sem tengjast þeirri heilbrigðisáhættu sem fylgir krýsótílasbesti og staðgönguefnum þess, fyrir 1. janúar 2003. Í þessari athugun verða einnig skoðaðir aðrir þættir þessarar tilskipunar í ljósi tækniframfara, einkum undanþágu-ákvæðin. Framkvæmdastjórnin mun gera tillögur um viðeigandi lagabreytingar ef nauðsyn krefur.
- 11) Þörf er á aðlögunartíma til að leggja smám saman af markaðssetningu og notkun krýsótílasbests og vara sem innihalda það. Rétt er að hafa þennan aðlögunartíma lengri fyrir himnur sem eru notaðar til rafgreiningar í stöðvum í rekstri þar eð hættan á váhrifum er ákaflega lítil og lengri tíma þarf til að þróa viðeigandi valkosti við þessa notkun þar sem öryggi skiptir sköpum. Framkvæmdastjórnin mun endurskoða þessa undanþágu fyrir 1. janúar 2008 að höfðu samráði við vísindanefndina um eiturrhrif, eiturrhrif í umhverfinu og umhverfið.

(*) Þessi EB-gerð, sem birtist í Stjtið. EB L 207, 6.8.1999, bls. 18, var nefnd í ákvörðun sameiginlegu EES-nefndarinnar nr. 77/2000 frá 2. október 2000 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalagananna nr. 59, 14.12.2000, bls. 15.

⁽¹⁾ Stjtið. EB L 262, 27.9.1976, bls. 24.

⁽²⁾ Stjtið. EB L 166, 1.7.1999, bls. 87.

⁽³⁾ Stjtið. EB L 398, 30.12.1989, bls. 24.

⁽⁴⁾ Stjtið. EB L 263, 24.9.1983, bls. 33.

⁽⁵⁾ Stjtið. EB L 375, 31.12.1985, bls. 1.

⁽⁶⁾ Stjtið. EB L 363, 31.12.1991, bls. 36.

- 12) Þessi tilskipun hefur ekki áhrif á þau ákvæði í löggjöf bandalagsins um lágmarkskröfur um vernd starfsmanna sem finna má í tilskipun ráðsins 89/391/EBE ⁽¹⁾, sértilskipunum sem eru byggðar á henni í skilningi 1. mgr. 16. gr. þeirrar tilskipunar, einkum tilskipun ráðsins 90/394/EBE frá 28. júní 1990 um verndun starfsmanna gegn áhættu vegna áhrifa af krabbameinsvöldum á vinnustað ⁽²⁾, eins og henni var breytt með tilskipun 97/42/EB ⁽³⁾.
- 13) Í tilskipun ráðsins 91/382/EBE ⁽⁴⁾ um breytingu á tilskipun 83/477/EBE um verndun starfsmanna gegn áhættu vegna áhrifa af asbesti á vinnustöðum er settur rammi um eftirlit með starfsemi þar sem starfsmenn kynnu að verða fyrir váhrifum frá asbestryki.
- 14) Þessi tilskipun hefur ekki áhrif á tilskipun framkvæmdastjórnarinnar 98/12/EB ⁽⁵⁾ um aðlögun að tækniframförum á tilskipun ráðsins 71/320/EBE um samræmingu laga aðildarríkjanna um hemlabúnað á vissum tegundum vélknúinna ökutækja og eftirvagna þeirra.
- 15) Ráðstafanirnar, sem kveðið er á um í þessari tilskipun, eru í samræmi við álit nefndar um aðlögun að tækniframförum á tilskipunum um að ryðja úr vegi tæknilegum hindrunum í viðskiptum með hættuleg efni og efnablöndur.

SAMÞYKKT TILSKIPUN ÞESSA:

1. gr.

Hér með er I. viðauki við tilskipun 76/769/EBE lagaður að tækniframförum eins og fram kemur í viðaukanum við þessa tilskipun.

2. gr.

1. Aðildarríkin skulu samþykkja nauðsynleg lög og stjórn-sýslufyrirmæli til að fara að tilskipun þessari eigi síðar en 1. janúar 2005 og skulu tilkynna það framkvæmdastjórninni þegar í stað.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau hafa samþykkt eða verða samþykkt um málefni sem tilskipun þessi nær til.

3. Frá gildistöku þessarar tilskipunar og til 1. janúar 2005 er aðildarríkjunum ekki heimilt að leyfa nýja notkun krýsótílasbests á yfirráðasvæðum sínum.

3. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópubandalaganna*.

4. gr.

Tilskipun þessari er beint til aðildarríkjanna.

Gjört í Brussel 26. júlí 1999.

Fyrir hönd framkvæmdastjórnarinnar,

Karel VAN MIERT

framkvæmdastjóri.

⁽¹⁾ OJ L 183, 29.6.1989, p. 1.

⁽²⁾ OJ L 196, 26.7.1990, p. 1.

⁽³⁾ OJ L 179, 8.7.1997, p. 4.

⁽⁴⁾ OJ L 206, 29.7.1991, p. 16.

⁽⁵⁾ OJ L 81, 18.3.1998, p. 1.

VIÐAUKI

Í I. viðauka við tilskipun 76/769/EBE komi eftirfarandi liður í stað 6. liðar:

<p>„6.1. Krókídólít, CAS nr. 12001-28-4 Amósít, CAS nr. 12172-73-5 Antófyllitasbest, CAS nr. 77536-67-5 Aktínólitasbest, CAS nr. 77536-66-4 Tremólitasbest, CAS nr. 77536-68-6</p>	<p>6.1. Markaðssetning og notkun þessara trefja og vara, sem þessum trefjum er bætt í, er bönnuð.</p>
<p>6.2. Krýstótl, CAS nr. 12001-29-5</p>	<p>6.2. Markaðssetning og notkun þessara trefja og vara, sem þessum trefjum er bætt í, er bönnuð.</p> <p>Aðildarríkjum er þó heimilt að veita undanþágu fyrir himnur til rafgreiningarstöðva í rekstri þar til endingartími himnanna er liðinn eða þar til viðeigandi asbestlausar staðgönguvörur verða fáanlegar, eftir því hvort gerist fyrr. Framkvæmdastjórnin mun endurskoða þessa undanþágu fyrir 1. janúar 2008.</p> <p>Heimilt er að halda áfram notkun vara, sem innihalda asbesttrefjarnar sem um getur í liðum 6.1 og 6.2, þangað til þeim hefur verið fargað eða þangað til endingartími þeirra er liðinn, svo fremi að viðkomandi aðildarríki hafi sett þær upp eða tekið þær í notkun fyrir daginn sem tilskipun 1999/77/EB kemur til framkvæmda. Aðildarríkjunum er þó heimilt, til að vernda heilbrigði manna, að banna notkun slíkra vara á sínu yfirráðasvæði áður en kominn er tími til að farga þeim eða áður en endingartími þeirra er liðinn.</p> <p>Með fyrirvara um beitingu annarra bandalagsákvæða um flokkun, þökkun og merkingu hættulegra efna og efnablandna má þó aðeins leyfa markaðssetningu og notkun þessara trefja og vara, sem innihalda þessar trefjar, eins og heimilað hefur verið í samræmi við framangreindar undanþágur, að á þeim sé merkimiði í samræmi við ákvæði II. viðauka við tilskipun 76/769/EB.“</p>